

SHËRBIMET QË OFRON BASHKIA

Shërbimet në fushën e shërbimeve sociale

Qëllimi i Procedurës Standarde të Veprimit “ Mbrojtja nga Dhuna në Familje” është krijimi i një sistemi të koordinuar të institucioneve pjesë e mekanizmit referues, në mënyrë që të reagojnë në mënyrë të menjëhershme dhe të vazhdueshme në mbështetje të rasteve të dhunës në familje, me qëllim ofrimin e ndihmës cilësore dhe mbrojtjes, rehabilitimit të viktimave të dhunës një familje.

PSV-ja ka për qëllim të qartësojë rolin dhe përgjegjësitë e secilit institucion kompetent në mbrojtjen e viktimave të dhunës në marrëdhëniet familjare duke ndjekur të gjitha etapat e menaxhimit të rastit.

Bashkia Belsh në bazë të Vendimit nr.334 datë 17.02.2011 të Këshillit të Ministrave, “Për mekanizmin e bashkërendimit të punës për referimin e rasteve të dhunës në marrëdhëniet familjare dhe mënyrën e procedimit të tij”. Aktualisht Koordinatori Vendor pranë Bashkisë Belsh menaxhon dhe ndihmon rastet e dhunës në marrëdhëniet familjare duke ofruar shërbimet e domosdoshme dhe mundësuar bashkëpunimin ndër institucional për riintegrimin e viktimave të dhunës në marrëdhëniet familjare.

Strukturat e përfshira

Institucionet e përfshira në këtë proces janë:

1. Bashkia Belsh-Inspektorë Social për mbrojtjen e grave të dhunuara dhe për mbrojtjen e fëmijëve

Të gjitha rastet e dhunës në familje që paraqiten dhe kërkojnë ndihmë, në cilin do prej institucioneve të sipërpërmendura, trajtohen në mënyrë të menjëhershme, me efektivitet dhe duke ofruar shërbime multidisiplinare.

Shërbimet në fushën e kulturës, sportit dhe shërbimeve argëtuese

Arsimi

Misioni

Hartimin e politikave dhe strategjive për zhvillimin e arsimit, dhe sporteve në Bashkinë e Belsh.

Të sigurojë raporte partneriteti dhe marrëdhënie efektive me gjithë faktorët bashkëpunues në shërbim të ngritjes së cilësisë në sektorin e arsimit dhe sporteve;

Të koordinojë punën me grupet e interesit, për zbatimin e projekteve të zhvillimit në funksion të përmirësimit, masivizimit dhe rritjes cilësore të këtyre sektorëve.

Prioritete:

Të hartojë si drejtori ose në bashkëpunim me partnerë të tjerë projekte për zhvillimin e sektorit të arsimit, dhe sporteve në territorin e Bashkisë Belsh;

Të monitorojë zbatimin e projekteve dhe të përgatisë raporte vlerësuese mbi realizimin e tyre;

T’iu sigurojë asistencën e nevojshme grupeve të interesit, për përgatitjen e projekteve dhe paraqitjen e tyre tek donatorë të ndryshëm, për miratim e financim;

Të kryejë studime për gjendjen dhe shtrirjen e rrjetit të shkollave, të kopshteve e qendrave të fëmijëve;

Të organizojë kontrolle të vazhdueshme për gjendjen e ambienteve të brendshme të institucioneve arsimore dhe të kulturës, duke parashikuar masa për mirëmbajtjen, riparimin dhe kompletimin me bazën e nevojshme materiale etj. Për këtë çështje bashkëpunon me drejtoritë e shkollave dhe institucioneve të tjera respektive, me Drejtorinë Arsimore, me Zyren e Shërbimeve Publike dhe atë të Financës;

Merr masa për garantimin e furnizimit me energji elektrike, ujë të pijshëm, lëndë ngrohëse e djegëse sipas nevojave e planit për institucionet e sektorit (arsimit dhe kulturës), duke bashkërenduar me Drejtorinë e Financës e Shërbimet Publike, gjithnjë sipas planit e fondeve të miratuara;

Duke bashkërenduar me drejtoritë e shkollave dhe komunitetin nëpër lagje të qytetit, vijon punën për frekuentimin e nxënësve në mësim, për zbatimin e detyrimit shkollor;

Në bashkërendim me Policinë Bashkiake dhe Policinë e Shtetit merr masa për të siguruar rendin e qetësinë në ambientet shkollore, si dhe në rastet e grumbullimeve e veprimtarive të ndryshme.

Të mbështesim talentet e reja në fusha të ndryshme të artit dhe sportit duke organizuar aktivitete të ndryshme kulturore-sportive në kuadër të shkollave në territorin e Bashkisë Belsh.

Sporti:

Të marrim masa për mbështetjen e nxitjen e talenteve të reja për sportet;

Të kujdesemi për krijimin e kushtëve më të mira të punës në ushtrimin e aktiviteteve, për të plotësuar gjithnjë e më mirë kërkesat e komunitetit qytetar;

Të arrijmë shtimin e aktiviteteve dhe në mënyrë të veçantë rritjen e cilësisë së tyre;

Të organizojmë studime të ndryshme për zhvillimin perspektiv të sportit;

Të bashkëpunojmë me sektorët e tjerë zhvillimorë, për binjakëzimin me njësi vendore të tjera, brënda dhe jashtë vendit, dhe organizon aktivitete të përbashkëta me ekipe sportive të vendeve të tjera;

Qendra e Veprimtarive Kulturore dhe Artistike e qytetit të Belshit

Ansambli AFERDITA

Aktiviteti: Trashëgimia kulturore, vlerë e shtuar e zonës së Dumresë

Nimfa e Liqeneve.

Maratona "Këngë Moj"

Festa e Balonave

Festa e Ditës së Verës

Po ashtu kemi zhvilluar disa bashkëpunime me shoqata analoge.

Si konkluzion: Ka pasur bashkëpunime të frytshme me shkollat e qytetit tonë si dhe me institucione kulturore e artistike të vendit.

Shërbimet në fushën e mbrojtjes së mjedisit

Shërbimet në fushën e bujqësisë, zhvillimit rural, pyjeve dhe kullotave publike, natyrës dhe biodiversitetit

Në shërbimet në fushën e mjedisit

Në zbatim të ligjit nr.139/2015 "Per Vetëqeverisjen Vendore", neni 26,27 Bashkia ka detyrimin ligjore për

1. Sigurimin, në nivel vendor, të masave për mbrojtjen e cilësisë së ajrit, tokës dhe ujit nga ndotja.

2. Sigurimin, në nivel vendor, të masave për mbrojtjen nga ndotja akustike.

3. Zhvillimin e aktiviteteve edukuese dhe promovuese, në nivel vendor, të cilat lidhen me mbrojtjen e mjedisit.

Theksojmë se :

Bashkia jonë ka bërë të gjitha përpjekjet për përmirësimin e jetës së komunitetit të saj nga pikëpamja e infrastruktures, rritjes së hapsirave të gjelbërta, dekoracionin, menaxhimin e mbetjeve etj.

Shërbimet administrative në fushën e infrastrukturës dhe shërbimeve publike

Për të gjitha kërkesat për leje ndërtimi është online, me adresë www.e-albania.al

Ligji Nr.22/2018 Për Strehimin Social

Në mbështetje të neneve 78 dhe 83, pika1, të Kushtetutës, me propozimin e Këshillit të Ministrave,

Hyrja në fuqi

Ky ligj hyn në fuqi 6 muaj pas botimit në Fletoren Zyrtare.

Miraturar në datën **3.5.2018**

Neni 16 Kriteret e përzgjedhjes së përfituesve

Njësia e vetëqeverisjes vendore, në përzgjedhjen e individëve/familjeve përfituese, për hartimin dhe miratimin e sistemit të pikëzimit bazohet në kriteret e mëposhtme:

a) Kushtet e strehimit, në bazë të të cilave përcaktohen me përparësi familjet që:

- i) Nuk disponojnë banesë në pronësi;
- ii) Banojnë në banesa që paraqesin rrezik shembjeje;
- iii) Banojnë në banesa të mbipopulluara, sipas përcaktimeve dhe normave në fuqi;
- iv) Kanë mbetur ose rrezikojnë të mbeten të pastreha, si rezultat i fatkeqësive natyrore;
- v) Familjet ose individët që humbasin banesën e tyre, sipasojë e zhvendosjes ose zbatimit të një vendimi gjyqësor;
- vi) Banojnë në banesa që prishen ose përjashtohen nga procesi i legalizimit, si rezultat i investimeve publike.

b) Kushtet familjare, në bazë të të cilave përcaktohen me përparësi:

- i) Familjet një prindërore që kanë në ngarkim fëmijë, ku përfshihen edhe vajzat nëna;
- ii) Të moshuarit, që kanë mbushur moshën e pensionit dhe që nuk përzgjidhen për t'u strehuar në institucionet publike të përkujdesjes shoqërore;
- iii) Familjet me më shumë se katër fëmijë;
- iv) Bashkëshortët, mosha e përgjithshme e përbashkët e të cilëve arrin deri në 60 vjeç.

c) Kushtet sociale, në bazë të të cilave përcaktohen me përparësi:

- i) Personat me aftësi të kufizuara, në përputhje me përcaktimet e bëra me vendim të Këshillit të Ministrave;
- ii) Individët me statusin e jetimit, që nga çasti i daljes nga qendrat e përkujdesjes shoqërore dhe deri në moshën 30 vjeç;
- iii) Familjet e mbetura të pastreha për shkak të lirimimit të banesave ish-pronarëve;
- iv) Emigrantët e rikthyer, punëtorët emigrantë dhe azil kërkuesit;
- v) Familjet e policëve të rënë në detyrë;
- vi) Punonjësit e reparteve të ndërhyrjes së shpejtë (FNSH);
- vii) Punonjësit e repartit RENE;A;
- viii) Punonjësit e shërbimit të mbrojtjes nga zjarri dhe shpëtimin;
- ix) Viktimat e dhunës në familje;
- x) Viktimat e trafikimit/viktimat e mundshme të trafikimit;
- xi) Anëtarët e komunitetit rom;
- xii) Anëtarët e komunitetit egjiptian;
- xiii) Të miturit në konflikt me ligjin, sipas parashikimeve të Kodit të Drejtësisë Penale për të Mitur, pas ekzekutimit të dënimit;
- xiv) Vajzat nëna;
- xv) Individët që i përkasin komunitetit LGBTI, të cilët janë viktimat për shkak të orientimit seksual ose identitetit gjinor bazuar në vendimin e organit kompetent, sipas legjislationit në fuqi për mbrojtjen nga diskriminimi që përcakton se si pasojë e diskriminimit individit nuk ka një strehim të përshtatshëm dhe që kanë të ardhura të pamjaftueshme ose që nuk kanë fare të ardhura, sipas përcaktimeve të bëra në nenin 3 të këtij ligji.

c) Kushtet ekonomike, në bazë të të cilave përcaktohen familjet, sipas grupeve të të ardhurave, të përcaktuara në këtë ligj.

Lista e dokumentacionit

Familjet përfituese vazhdojnë aplikimin, duke dorëzuar në zyrat e strehimit, në bashki, dokumentacionin e mëposhtëm:

- 1) Certifikatën e lindjes së aplikantit dhe certifikatën e gjendjes familjare;
- 2) Vërtetimin për vendbanimin në bashkinë ku kërkohet strehimi ose lejen e banimit, për familjet që kanë lëvizur nga zona të tjera të vendit;
- 3) Vërtetimin e të ardhurave neto të familjes;
- 4) Dokumentacionin përkatës nga punëdhënësi për detyrën dhe të ardhurat e aplikantit e të personave të tjerë të familjes, që janë në marrëdhënie pune;
- 5) Dokumentin nga organet tatimore dhe ato të sigurimeve shoqërore për derdhjen e kontributeve, kur njëri nga anëtarët e familjes është i vetë punësuar;
- 6) Vërtetimin nga zyra e ndihmës dhe përkujdesit pranë bashkive, për anëtarët e familjes, të përfshirë në programin e ndihmës ekonomike dhe të pagesës për personat me aftësi të kufizuara;
- 7) Vërtetimin nga zyra e punësimit e njësisë vendore përkatëse, për personat e përfshirë në programin e pagesës së papunësisë;
- 8) Vërtetimin nga organet e sigurimeve shoqërore, për personat në pension;
- 9) Vërtetimin nga zyra e regjistrimit të pasurive të paluajtshme se familja apo ndonjë anëtar i saj disponojnë në pronësi banesë a ndonjë mjedis, që mund të përdoret si e tillë;
- 10) Vërtetimin nga zyra e regjistrimit të pasurive të paluajtshme për sipërfaqen e pronës, që zotëron familja apo ndonjë anëtar i saj, kur banesa është me sipërfaqe nën normat në fuqi të strehimit;
- 11) Vërtetimin nga zyra e regjistrimit të pasurive të paluajtshme të vendit të origjinës, se nuk figuron e regjistruara snjë pronë, e cila mund të përdoret edhe për strehim, për familjet, që kanë ndryshuar vendbanim për efekt punësimi;
- 12) Dokumentin zyrtar të celebrimit dhe certifikatat personale, për efekt të llogaritjes së moshës, për çiftete reja;
- 13) Vendimin e gjykatës, që i lënë ngarkim fëmijën ose fëmijët për çiftet e divorcuara;
- 14) Vërtetimin përkatës nga institucioni ku ka qenë i strehuar dhe librezën e jetimit, dhënë nga institucioni shtetëror i autorizuar, për individët me statusin e jetimit;
- 15) Vendimin e komisionit mjekësor të përcaktimit të verbërisë ose të komisionit mjekësor të përcaktimit të aftësisë për punë, për individë me aftësi të kufizuara, që trajtohen sipas shkronjës "d" të nenit 5 të ligjit nr. 9232, datë 13.5.2004" Për programet sociale për strehimin e banorëve të zonave urbane".
- 16) Dokument që vërteton se familja ekziston në shtëpi me ish-pronarë.
- 17) Dokument që vërteton se familja ka humbur shtëpinë në firma piramidale.
- 18) Dokument që vërteton se familja ka mbetur e pastrehë për shkak të zbatimit të projekteve publike e ndërtimit të veprave me interes publik (shembje e banesave informale, lirim objektesh me funksione publike).
- 19) Deklaratë personale e noterizuar, ku përfshihen të gjitha pikat e mësipërme.